

法華禮誦要文集補遺

編者 吳廷鑑

全

183

291

東 京 圖 書 館

一 冊	二 九 一 號	七 九 架	三 二 函	釋 書 類	和 書 門
--------	------------------	-------------	-------------	-------------	-------------

020145-000-4


183-291

法華禮誦要文集補遺

台巖 / 編

M17. 1

ABH-0359



法華禮誦要文集補遺

序

禮誦要文集既行于世今復拾遺脫人非不喜長篇

所喜有急於長篇者猶提綱而執衆綱以巨卷大冊

之至理縮而納之於片言隻字之間然則一句一章

之中深理具焉幽玄溢焉及欲求其至要也猶繙巨

卷大冊豈容易哉庶幾使誦之者至喜可喜而而求

可求其功不亦偉乎只字數短小者諳誦亦易是上

梓之所以不止歟以為序

明治十六年十二月

毘尼薩台巖識

標目

- 一 會式回向
- 二 別願文
- 三 圓頓章後誦文
- 四 茶湯
- 五 如饌
- 六 菓子
- 七 水供
- 八 開棺
- 九 香
- 十 別頭四十二章鈔
- 十一 祈禱時文

法華禮誦要文集補遺

毘尼薩台巖編輯

一 會式回向

恭惟我祖鴻恩施折伏逆化不顧身命授是好良藥
 如育赤子大慈大悲如虛空無邊治我輩無明昏醉
 與即身成佛果報大智光明如日月照臨滅衆生謗
 法迷闇植來世得脫之種子然則今朝已來供備香
 華燈明肴饍菓香慢幕等以莊嚴寶殿集同志行人
 所修清淨善根以此妙施報恩山一塵以此佛供謝

德海一滴唯願高祖大士哀愍納受十方三寶慈愛
加證成於寂光寶刹作廣大佛事示現不可思議經
力莊嚴如虛空佛土依祈我等同門行者乃至十方
衆僧扇慈悲光導教風施現在將來益忍辱將護行
躅憫濁劫法末穢機廣下種結緣田界耘無明謗法
亂草重護持正法修治增功德智慧莊嚴審教機時
國高判揭妙法五字玄額開三大祕法扉示一念三
千深旨攝受折伏應時伸廣宣流布佛慧草創守文

契宜資無令斷絕法力

二 別願文

願從今身盡未來際親近善友專心聽法繫念思惟
如法修行唯願道心堅固長遠不退行道無障四魔
不起文體輕安身心勇猛衆病悉除昏散速消心心
相次不離大乘念念相續不忘衆生柔和忍辱不動
八風有正憶念有福德力不爲三毒五欲所染不爲
嫉妬我慢所惱塵塵法法離謂實情視一切人猶如

佛想於諸衆生如父母想惡事向自己好事與他人
少欲知足能修普賢行自他行願速令圓成必願鑒
命終時少病少惱預知死期正念決定五根增長直
到靈山淨土面見釋迦牟尼如來值諸聖衆聽受妙
法權實二智究了通達三學圓滿諸波羅蜜一切三
昧現前得普現色身度脫衆生唯願三寶哀愍救護
願未來際假令虛空界盡衆生不盡我行願無有窮
盡念念相續無有間斷身口意業無有疲厭自他共

安同歸常寂

三 圓頓章後誦文

我昔所造諸惡業皆由無始貪瞋癡從身語意之所
生一切我今皆懺悔一切業障皆從妄想生若欲懺
悔者端坐思實相衆罪如霜露慧日能消除是故應
至心懺悔六情根不斷煩惱不離五欲得淨諸根滅
除諸罪父母所生清淨常眼不斷五欲而能得見諸
障外事無量勝方便從思實相得雖未得修行六波

羅蜜六波羅蜜自然在前諸願不虛亦於現世得其
福報受持法華名者福不可量修行是經者令得安
穩讀是經者常無憂惱又無病痛顏色鮮白智慧光
明如日之照若於夢中但見妙事得聞此經六根清
淨神通力故增益壽命讀大乘經誦大乘經思大乘
義念大乘事供養大乘以是功德莊嚴六根皆令清
淨無有魔事雖有魔及魔民皆護佛法思念力堅固
常勤求智慧說種種妙法其心無所畏忍辱心決定

端正有威德十方佛所讚善能分別訖諸佛坐道場
所得秘要法能持是經者不久亦當得能持是經者
於諸法之義名字及言辭樂說無窮盡如風於空中
一切無障礙於我滅度後應受持斯經是人於佛道
決定無有疑心歡喜充滿如甘露見灌法華妙理釋
尊金言當生信心無有虛妄

四 茶湯

三十三天之甘露初利依身資長壽四十二番智水

法性淨身畜慧命，荆溪尊者曰：實相常住，如天甘露，是不死藥也。

有相冷水，止色身渴，無相涼味，消心性煩。經曰：如以甘露灑除熱，得清涼。

○五 如饌

衆香一鉢，飯偏毘耶梨城，有量小智，不量其量。純陀寡少，食飽五十二類，無量大衆，得受其味。若有人服之，亦能消之。法身五果，須臾至。經云：此食消已，卽見

佛性得阿耨○三菩提

三乘教法，五道流轉，救貧苦，一乘理味，滅二種生死，艱難經云：其家甚大，富具備諸餽饌。又云：貿易所須，無所乏短。

○六 菓子

於一味中，知一切法，於一切中，知一味。經云：如來知是一相一味之法，所謂解脫相、離相、滅相、究竟涅槃，常寂滅相。

⑦ 水供

輪王頂上一滴攝四海水經王受持一心領一切佛法經曰是以妙意根知上中下法乃至聞一偈通達無量義

⑧ 開棺

五陰三毒拂冥雲五眼三智見覺月經云開方便門示真實相

⑨ 香

圓乘行人燃一炷香寶臺樓觀寶樹寶池无不現前况十方佛土三千依正全不出唯香法界偈曰願此香華雲以為光明臺

⑩ 別頭四十二章鈔

大中日孝編輯

大菩薩日蓮說

夫弘佛法人必存五義五義者一為教二為機三為時四為國五為佛法流布前後

馬鳴龍樹提婆天親振起大乘迦葉阿難所未發也
已如前說天台智者發揮妙宗馬鳴龍樹亦所未談
也已如前說毘山傳教創建戒壇智者大師亦所未
闡也已如前說蓋釋迦世尊所可說者已說畢矣又
須知佛滅後迦葉龍樹天台傳教所未弘宣載在妙
文粲然矣如是大法末法之初將興出于閻浮提也

右第二章

問曰天台傳教所未弘宣有諸答曰有問曰何也答

曰有三也佛逗於末法之機緣迦葉阿難馬鳴龍樹
天台傳教所未申明也問曰其相奈何答曰一者日
本乃至一閻浮提悉舉本門教主釋尊為本尊所謂
寶塔釋迦多寶以降諸佛及以上行等四菩薩為狹
持二者本門戒壇三者本門題目日本乃至一閻浮
提無賢無愚悉廢他事但唱南無妙法蓮華經是法
未揄揚閻浮提也佛滅後二千二百餘年未有一人
崇唱之者日蓮獨創業唱之不惜聲也耳譬如隨風

波有巨細，依薪火有高下，從池蓮有大小，因龍雨有遠近。夫根深則枝繁，源遠則流長，是也。周代七百年，依文王之禮孝，秦世不能久，此始皇之左道也。日蓮慈悲廣大者，如是妙題，遠流行于末法萬年之外，盡未來際，開衆生眼，塞無間道，此功德超於傳教天台，過於龍樹迦葉，極樂百年修行，不及穢土一日功。正像二千年弘通劣末法，一時與此非日蓮之賢令時，然矣。春也，華秋也，果夏也，溫冬也，寒此非令時，然哉。

經曰：我滅度後，後五百歲中，廣宣流布於閻浮提，無令斷絕。

右第三章

問曰：如來滅後二千餘年，龍樹天親天台傳教等，所未弘宣何秘法也？答曰：本門本尊與戒壇及題目也。問曰：正像二時奈何不敷揚之？答曰：若敷揚之，小乘權乘及迹門等可一時滅，故問曰：滅盡諸餘法者，奈何敷揚之？答曰：今時末法大小權實顯密等，但有教

而無證焉且謗法之輩天下皆爾是故唯口唱玄妙
爲毒鼓緣也耳我門下爲順緣其餘爲逆緣

右第四章

問曰公奈何捨廣略而取要也答曰唐玄奘三藏捨
略而好廣大品四十軸成六百卷晉羅什三藏捨廣
而好略大論十卷成一百卷今日蓮捨廣略而好要
但題名五字上行所傳者是也古者九方堙之相馬
也略玄黃而取駿逸支道林之講經也捨細科而取
元意靈山會上二佛並坐分身來集召本子弟付囑
要法不可以疑

右第五章

始自寂場終至雙樹五十餘年所有華嚴密嚴三變
四見等此皆成劫無常所變方便實報寂光安養淨
瑠璃密嚴世界等也能變教主既入涅槃所變諸佛
土豈不滅盡哉今此本時娑婆世界離三災超四劫
爲常住淨土佛既過去不滅未來不生所化衆生亦

是同體是卽已心三千具足三種世間是也迹門十四品未宣說之蓋法華會上時機未熟故也此本門奧藏妙法蓮華經五字佛尚不付囑文殊藥王等豈況其已下菩薩等乎哉但召地涌千界菩薩說八品而付囑之

右第六章

其本尊之爲狀也於本地之娑婆國土寶塔在虛空妙法蓮華經在中央釋迦多寶在左右上行等四菩薩爲挾持文殊彌勒等爲眷屬爲末座

右第七章

如是本尊在世四十餘年尚無八年之間但限八品及歷正像二千年小乘釋迦者迦葉阿難爲挾持權大乘及涅槃經迹門釋迦者文殊普賢等爲挾持此等諸尊造畫于正像一時若壽量本尊爲未曾有良由此本尊當出現于末法之初故也

右第八章

問曰如來懸記願請聞之答曰經曰後五百歲於閻浮提廣令流布天台云後五百歲遠沾妙道荆溪云末法之初冥利不無傳教云正像稍過末法太近上請看此語此非指末法為正流布時也哉又云語代像終末初尋地唐東羯西原人五濁之生鬪諍之時經云猶多怨嫉况滅度後此言良有以也上請看此言今者有自界叛逆他國侵逼二難來也此非鬪諍堅固之時也哉其應是時久遠之釋迦地涌之狹持

當出現于世矣

右第九章

最勝本尊起於倭國天竺震且為未曾有上宮王子創天王寺以西方彌陀為本尊時未至故與聖武天皇關東大寺以花嚴教主為本尊實教未興故與傳教大師粗弘法華之實義但以東方鷲王為本尊猶時未至故與

右第十章

然諸宗各惑本尊但舍成實律宗以釋迦爲本尊三十四心斷結成道佛也如王子謂生於民家華嚴眞言三論皆大乘宗也法相三論似如勝應如王子謂父仕官人華嚴眞言盧舍那佛大日如來爲本尊如王子貶父而王下賤人淨土宗以彌陀爲本尊是釋尊之分身還廢捨於本佛也禪宗如下賤人有一分德而卑父母蔑佛且貶佛經各惑本尊例如三皇已前不知父母

右第十一章

夫木畫本尊其設久矣自古三教俱聽之然義起於天台若於草木上無色心因果者崇重之無益也

右第十二章

智者之圓定圓慧非但起於漢地其名遠振天竺正像二時雖多人師未有弘如是大法者然未築圓頓戒壇但以小戒並列圓定圓慧非缺與如日有食如月不圓矧乎智者之在世尚屬讀誦多聞此非正流

布之時也

右第十三章

在像法時觀音藥王示現焉南岳天台誕應焉迹門
爲表本門爲裏百界千如一念三千但論理具而已
事行之題日本門之本尊未敷揚之蓋雖有用機而
無圓時故也

右第十四章

在世本門及末法初共爲純圓但彼爲脫此爲種彼
爲一品一半此爲題目五字

右第十五章

夫權乘題目在先流布焉是實經妙題在後光顯之
祥瑞也哉識者熟察之權教興則實教亦興權題流
布則實題亦流布今道理然夫日出則星隱賢王出
則愚王退實經典則權教廢智者唱妙題則愚者和
之猶影從形響應聲

右第十六章

直專持此經者此非指一部專指題目言之謂莫持餘文也尚不許讀誦此經何況五度也哉

右第十七章

濁水無情浮月自清草木不言得雨自榮是豈覺之力哉妙法蓮華經五字非文非義一部之意而已矣行者不識其義任運適其意

右第十八章

夫圓行多途算沙觀海尚爲圓行何況讀誦爾前經唱彌陀名者哉但此等爲時時行若依眞實行者妙法蓮華造次口稱焉一念三千顛沛心存諸此尚爲智者行解也若在家人一向念題目也名者必有至體之德

右第十九章

是好良藥者此指題目壽量品肝心名體宗用教之題目是也如是題目佛尚不付囑迹化菩薩况從他方來者哉神力品云爾時千世界微塵等菩薩摩訶

薩從地涌出者皆於佛前一心合掌瞻仰尊顏而白
佛言世尊我等於佛滅後世尊分身所在國土滅度
之處當廣說此經比天台大師云但見下方發誓比
道暹法師云付囑者此經唯付下方涌出菩薩何故
爾由法是久成之法故付久成之人

右第二十章

但唱妙題離惡趣者經云是法華經於無量國中乃
至名字不可得聞又云聞妙法華經提婆達多品淨

心信敬不生疑惑者不墮地獄餓鬼畜生比涅槃經

云若有善男子善女人聞此經名生惡趣者無有是

處涅槃為法華流
通分是故引之

右第二十一章

問曰末代初心必具圓三學不答曰此義為大事所
謂五品之初二三品者佛正制于戒定之二法但限
于慧之一分慧亦不堪以信代慧信一字為要若不
信者為闡提謗法之因若信者為慧之因乃名字位

也

右第二十二章

問曰行者所期指何淨土答曰壽量品云我常在此娑婆世界又云我常住於此又云我此土安穩即是即本地久成圓佛常住此娑婆奈何捨此遠期他土故行者住處即是淨土豈遠期他土哉神力品云若經所住之處若於園中若於林中若於樹下若於僧房若白衣舍若在殿堂若山谷曠野乃至當知是處

即是道場比涅槃經云若善男子是大涅槃微妙經典所流布處當知其地即是金剛是中諸人亦如金剛比看此二文住處即是淨土

右第二十三章

問華嚴方等般若阿含觀經等或勸兜率或說安養此經亦說兜率安養十方佛土公何違背今昔而勸瓦礫穢土哉答曰此等淨土皆是本佛所現而實為穢土夫法華要無過方便壽量二品至說壽量品始

指此土為實淨土然說兜率安養十方佛土者不改爾前之言即此娑婆而有此名例如此經有三乘名實無三乘故云不須與指觀經等也今時末法無法華緣遠期他土是樂穢土者也

右第二十四章

一念三千法門唯蘊在於本門壽量品之中矣龍樹天親存而不論唯我天台智者懷之

右第二十五章

然未拂迹真一念三千亦未顯焉真二乘作佛亦未定焉如水中之觀月如浮萍之無根如來一破近成則四教果破四教果破則因亦破之悉破爾前迹門之十界因果灼顯本門壽量之十界因果所謂本因本果法門是也於是九界具無始之佛界佛界具無始之九界真本有十界互具百界千如一念三千法門者是也

右第二十六章

來至法華會上悲母成佛顯於一人之龍女慈父成佛顯於一人之提婆當知此經此為內典之孝經

右第二十七章

問曰持經者本尊威儀并常時奈何修之答曰本尊者經八卷一品或題目書之為本尊法師神力二品說之故也又可燃者釋迦多寶或書之或造之安置左右又可燃者十方諸佛普賢菩薩等或書之或造之若威儀者在本尊前必座立行出道場已不擇

行住坐臥常唱題名又可燃者當奉讀誦一偈一句或為助緣南無釋迦牟尼佛十方諸佛一切菩薩二乘人天龍神八部等各隨其意夫多愚者世不先一念三千觀若有其志必習學觀之

右第二十八章

十界依正法身一佛一體三身德也一切諸法皆是佛法如是通達解了是謂名字即從是名字即身成佛故圓頓教不存次位智者大師云末代學者多執

方便教論斷伏諍鬪如水性冷不飲何知又云位次
綱目依仁王瓔珞伏斷高下依大品智論比如是經
論皆爲爾前八教是故權乘歷無量劫各歷次位今
經修行速疾頓成義超八教佛及衆生接我一念更
無別法如是觀之下根行者一生尚登妙覺位

右第二十九章

遣使還告者此指四依菩薩凡有四類一小乘四依
多在正法之前五百年出現二大乘四依多在正法
之後五百年出現三迹門四依多在像法之千年出
現少分在末法之初四本門四依此指地涌菩薩末
法之初必可出現今謂遣使還告者此指地涌菩薩

右第三十章

問曰公呵責禪念佛宗謂無閒業最爲爭執此應修
羅業且此經說不樂說人及經典過亦不輕慢諸餘
法師公違此文故諸天無加護與答曰止觀曰夫佛
兩說一攝二折如安樂行不稱長短是攝義大經執

持刀杖乃至斬首是折義雖與奪殊途俱令利益上已
輔行記法華文句涅槃疏云云夫攝折二門義如水
火火惡於水水惡於火攝受之人嘲折伏折伏之人
輕攝受當知無智惡人之土先攝受如安樂行邪智
謗法之世專折伏如常不輕譬如熱時宜水寒時宜
火草木陽故凋三冬諸水陰故涸炎熱今時末法攝
折隨宜此應惡人破法兩國故也

右第三十一章

學者皆謂教者隨機弘之余謂不爾若為上根說大
法者世尊初成道奈何不說此經又必應在正法之
前五百而說大乘若為有緣說大法者世尊不可為
父母說觀佛三昧及摩耶經若不為無緣謗法闡提
而說秘法者覺德比丘不可為破戒人而授涅槃不
輕菩薩不可為謗法人而說法華當知教者隨機之
說大不爾也

問曰非其機強說大乘還為誹謗而隨惡道此非說者過乎答曰人作為路有迷路者是迷者之過非路咎也良醫與藥不服而疾是不服之過非醫過也

右第三十三章

問曰經云無智人中莫說此經又云不可分布妄授與人又云此法華經如來秘密之藏於諸經中最在其上長夜守護不安宣說比公違斯文與反詰曰經云而作是言我深敬汝等不敢輕慢到四眾之中有

生瞋恚心不淨者惡口罵詈言是無智比丘從何處來眾人或以杖木瓦石而打擲之比此雖罵詈打擲而強說之亦為說者之過哉若爾如上兩說奈何會諸智者大師云適時而已章安尊者云取捨得宜不可一向

右第三十四章

夫佛滅後正法千年持戒多破戒少又像法千年持戒少破戒多又末法萬年破戒少無戒多若在正法

當捨破戒無戒尊重持戒僧若在像法當捨無戒恭敬破戒徒若入末法當供養無戒人猶如佛也

右第三十五章

此經文字如來之音聲也音聲有一矣一者不出於本意是隨他聲也二者出於本意是隨自聲也蓋我心顯而為音聲心者卽心法聲者卽色法也夫從心法而出音聲人聞其音而知其心是則色法顯於心法色心不二而為一法如來心法顯此經之文字文字亦變為如來心法是故行者莫為文字卽如來心也

右第三十六章

五行者謂地水火風空也又云五大種又云五蘊又云五戒又云五常又云五方又云五智又云五時皆是一體此經經異說內外異說也今經開會之為眾生心中五佛性又為五智如來種子是為妙法蓮華經五字以是五字而造是身卽為本有常住佛卽為

本覺如來是謂十如是是謂唯佛與佛乃能究盡不
退菩薩極果一乘亦不能測然圓頓凡夫知自初心
是故卽身成佛是謂金剛不壞身夫天崩身亦崩地
裂身亦裂地水火風滅身亦滅當知過去未來雖更
五大種不替正像末法雖殊五大種是一無盛衰無
轉變

右第三十七章

此法華經二十八品進有四味諸經退有涅槃等經

總括一代但爲一經始自寂場終至般若爲序分無
量義法華普賢觀爲正宗分涅槃經等爲流通分於
此正宗亦別三段無量義及序品爲序分自方便品
至分別功德十九行偈爲正宗分自分別功德現在
四信至普賢觀爲流通分又於是經爲二經各分三
段無量義序品爲序分自方便品至人記品八品爲
正宗分自法師品至安樂行品五品爲流通分復次
本門十四品爲二段至涌出品半爲序分壽量品及

前後二半為正宗分其餘為流通分又於本門為三段自大通佛說是經及中間今日華嚴乃至迹門及涅槃經等凡一代修多羅及十方三世諸佛微塵經經悉總括之為本門序分也已上畧抄

右第三十八章

於戲時及澆漓人非龍驥聖者晦迹愚者塞路世間淺事尚為難解豈況出世深法其不惑乎犢子方廣之稟聰敏尚迷大小兩乘無垢摩沓之負英才回辨

權實二教夫正法千年去聖未遠月氏陵夷尚如是
何況震且日本去國甚遠歷年甚久其音甚殊其性
甚拙而貪瞋癡日倍增也哉佛經多轉誤誰能讀佛
經質之而措其枉也

右第三十九章

學佛之徒大小權實顯密等差降者姑置之翻譯之
謬否先之要也

右第四十章

大乘諸經雖談成佛是權乘故隱過去也是不識種
之脫也由秦趙高之謀帝業倭道鏡之覓王位也諸
宗互諍種子不可強諍貴在經文故天親菩薩立種
子無上天台一念三千是也

右第四十一章

吾日本國若家者為柱礎人者我為眼目水者我為
舟楫如是悲願卒不可止至乃夫釋尊入于娑婆羅什
入于秦傳教入于支那提婆師子捨身藥王燒臂上

宮剥皮釋迦菩薩賣肉樂法以骨為筆天台大師云
適時而已佛法者以知時為要日蓮之流罪今世小
苦何傷之有當得來世大樂不亦悅乎

右第四十二章

別頭四十二章終

十一 祈禱時文

妙法蓮華經序品第一

若持法華經其身心清淨 今此三界皆是我有其

中衆生悉是吾子而今此處多諸患難唯我一人能
爲救護 受持法華名者福不可量 諸天晝夜常
爲法故而衛護之 天諸童子以爲給使刀杖不加
毒不能害 伺求其短無能得便 諸餘怨敵皆悉
摧滅 若不順我咒惱亂說法者頭破作七分如阿
梨樹枝 令百由旬內無諸衰患 如風於空中一
切無障礙 讀是經者常無憂惱又無病痛顏色鮮
白除其衰患令得安穩 得聞此經六根清淨神通

力故增益壽命 此經則爲閻浮提人病之良藥若
人有病得聞是經病卽消滅不老不死 所願不虛
亦於現在得其福報 法華妙理釋尊金言當生信
心無有虛妄

明治十六年十月十九日出版之權願
同年十月十四日版權免許
同十七年一月刻成

定價金十錢

京都府平民

編輯者

毘尼薩台巖

山城國紀伊郡第二組深州村
四十四番戶瑞光寺住職

京都府平民

出版人

村上勘兵衛

上京區第九組曼華院前町九番戶

東京發兌書林

北畠茂兵衛

大阪發兌書林

吉田善造

明治十六年十月十九日出版之權願

同年十月十四日版權免許

同十七年一月刻成

送價金十錢

京都府平民

編輯者 毘尼薩台巖

山城國紀伊郡第二組深州村
四十四番戶瑞光寺住職

京都府平民

出版人 村上勘兵衛

上京區第九組臺華院前町九番戶

東京叢書林 北畠茂兵衛

大阪叢書林 吉田善造

183

291

